

Updet

Letes nius blong VANWODS

Vol.3 Jenuware 2016



VANWODS hemi finansiol sevis provaeda mo komuniti fren blong yu. Blong kam wan lida long komuniti we ol man i respectem blong save kasem finansiol help mo bisnis development sevis, blong laef long digniti mo sekuriti.



Relasensip JICA wetem VANWODS

Manajemnt blong VANWODS i wantem talem tankio long Japanis Internasional Koperesen Ejensi [JICA] from relasensip.

JICA hemi bin givim wan voluntia Mr.Teruaki Tagashira, we hemi wok naoia wetem VANWODS Microfinance olsem Prokram Produsa. Hemi stat wok wetem VANWODS blong naen manis finis, Mr Tagashira hemi mekem komunikesen blong VANWODS i go undap long wan nara level. VANWODS hemi gat naoia niusleta, websaet, han fan, Facebook pej mo Google pej. Ol samting ia hemi gol blong VANWODS long taem finis, mo hemi wan drim we i just kam tru.

JICA, wetem Wan Smol Bag Tieta, oli bin givim aot Helti fasin blong kuk long Oktoba 2015 "Sipos i no tufala okanaesesen ia, ol mama blong VANWODS bai oli no gat janis blong lanem ol helti fasin blong kuk" Julie-Ann Sala, CEO blong VANWODS i talem. Long taem ia oli givim smol presen long tugeta orkanaesesen ia blong shoem stat blong wan wok tugeta long ol yia we i stap kam." Mifala i biliv se ol patisipen oli lanem plante samting long wokjop ia blong mekem bisnis blong kukim kakai i gro" Mr. Toyoaki Itsubo, presiden blong JICA Vanuatu hemi talem.

Niu Yia Toktok

2015 hemi wan bisi yia blong VANWODS mo manajemnt i wantem talem se hemi luk save ol had wok mo komitment blong ol memba blong BOT wetem everi wokman blong VANWODS. Long 2015, ol wokman oli bin developem ol niu skil mo oli bin givim aot wan gudfala sevis i go long ol kastoma, no mata long ol situesen we i stap. Hemi kam posible nomo tru long sapot blong ol famili mo komuniti blong yumi.

Manajemen blong VANWODS hemi likem blong talem tankio tu i go long ol stakeholder mo kastoma from komitment blong olgeta long okanaesesen. From strong sapot blong yu hemi mekem mifala i save karem aot misen blong VANWODS mo mifala i wisim yu wan hapi niu yia 2016.

Repot blong Branj - VILA Branj

Long 20th Novemba 2015, VANWODS branj long Vila hemi gat numba tu Senta Jif miting blong 2015 long PMC Church Hall. Long taem blong miting, ol senta jif oli talem aot ol konsen blong olgeta afta long hariken PAM. Sam long olgeta i talem experiens mo tokabaot wiknes mo strengt, blong olgeta taem oli lanem ol niufala tinktink long ol nara senta jif. Ol senta jif i bin agri mo vot long taem ia blong gat senta jif miting 3 taem long wan yia.

Long nara nius, Mrs. Emma Vatoko, Senia Akaon Ofisa blong Efate Branj hemi ripot se Disemba hemi wan bisi manis blong ol kastoma i kam witro mo tekem lon. No mata long hariken PAM, ol memba oli go hed bakeken wetem normal bisnis blong olgeta. (+678-26829 vila@vanwods.org.vu)

- SANTO Branj

Ms. Valorie Langon, Senia Akaon Ofisa blong Santo Branj, hemi repotem se ol staff blong Santo Branj oli wok had blong givim aot lon bifo ofis i klos blong krismas. Staf blong Santo Branj oli luk blong wok tugeta long yia ia 2016 blong sapotem ol kastoma blong VANWODS.

Branj blong Santo hemi ripot tu se ol memba we oli bin stap resanen long ol yia we i pas oli stap kam bak blong joenem VANWODS bakeken. Hemi i joem se VANWODS hemi mekem wan gudfala samting long life blong olgeta wetem famili blong olgeta.

Santo Branj staf oli stap prepare naoia from bigfala dei we hemi-Open dei blong VANWODS long manis blong Julae 2016.

Ex Unelco Ofis, Lugainville
+678-36035 santo@vanwods.org.vu

- TANNA Branj

Ofis blong VANWODS long Tanna branj hemi mekem wan arangement wetem Dipatment blong Akrikalja blong givim toktok long 43 senta mo eni man we hemi gat interest.

Toktok ia hemi long saed blong :
1-Hao blong lukaotem gud ol vegetables blong ol bebet , sik mo toti blong Yasur Volcano i no spolem
2- Usim ol plant blong protektem ol samting we yumi planem wetem ol vegetables long olgeta bebet mo sik
3- Hao blong planem ol kakai mo vegetables blong save gro mo stap strong long taem blong hariken mo long taem blong El Nino.

VANWODS Branj i wantem talem bigfala tankio i go long ofisa blong Akrikalja Mr. Samuel mo Mr. Isaac long gudfala wok.

Black Man town, Lenakel
+678-88000 tanna@vanwods.org.vu

Sapot blong Asian Development Bank

VANWODS hemi wantem talem tankio long Asian Development Bank long gudfala sapot we oli fandem repair blong ofis blong VANWODS long efate oli stap mekem wok naoia blong komplitim insaet long ofis mo bai oli reperem fenis, mo lukluk i stap se long Februari 2016 bai oli flatem wok ia. Mifala i luk blong gat niu ofis.



- MALEKULA Branj

VANWODS long MALEKULA Branj hemi wantem wishim every gudfala kastoma blong hem wan hapi niu yia. Mo oli luk blong wok tugeta bakeken long yia ia 2016.

Lakatoro
+678-48453 malekula@vanwods.org.vu

"Yu bos blong yu wan"

From wanem yu wok blong ol nara man we "Yu save kam bos blong yu wan".

Bos blong yu wan , hemi wan samting we hemi givim pawa long yu. Hemi putum yu long wan nara level blong kat sakes taem yu preperem yu long longfala rod we i stap long foret blong yu-mo yu biliv long yu wan se yu save mekem wan samting. Yu gat wan stret gol? Kam joinem VANWODS tedei bai "Yu kam bos blong yu wan".